

Հավելված N 1
ՀՀ կառավարության 2024 թվականի
օգոստոսի 29-ի N 1388-Ս որոշման

ԾՐԱԳԻՐ

**ՔՍԱՆՀԻԿ ՏԱՐԻ ԺԱՄԿԵՏՈՎ ՊԵՏԱԿԱՆ ԳՈՒՅՔԻ ԱՆՀԱՏՈՒՅՑ ՕԳՏԱԳՈՐԾՄԱՆ ՏՐԱՄԱՐՐՄԱՆ
ՆՊԱՏԱԿՈՎ ԱՅԼ ԿԱԶՄԱԿԵՐՊՈՒԹՅՈՒՆՆԵՐԻ ԿՈՂՄԻՑ ՊԵՏԱԿԱՆ ԳՈՒՅՔԻ ԲԱՐԵԼԱՎՄԱՆ ՀԱՄԱՐ
ՆԵՐԿԱՅԱՅՎՈՂ**

**1. Ընդհանուր տեղեկություններ պետական սեփականություն հանդիսացող գույքի (այսուհետ՝
տարածք) բարելավման ծրագիր իրականացնող կազմակերպության մասին**

- 1.1. կազմակերպության լրիվ անվանումը՝ «Նեքսթ Ջեն Սպորտս»,
- 1.2. կազմակերպության ձևը՝ Սահմանափակ պատասխանատվությամբ ընկերություն,
- 1.3. կազմակերպության ստեղծման (վերակազմակերպման) ժամկետը՝ Ընկերությունը ստեղծվել է 2024թ. փետրվարի 7-ին,
- 1.4. կազմակերպության գրանցման վկայականի համարը՝ 269.110.1368932,
- 1.5. գրանցման վայրը և տարեթիվը՝ Հայաստանի Հանրապետություն, ք. Երևան, Գարեգին Նժդեհ փ. 34, 2024թ.,
- 1.6. գործունեության իրականացման վայրը (նստավայրը)՝ Հայաստանի Հանրապետություն, ք. Երևան, Գարեգին Նժդեհ փ. 34.,
- 1.7. փոստային հասցեն՝ ՀՀ, ք. Երևան, Գարեգին Նժդեհ փ. 34, 006,
- 1.8. նույնականացման ծածկագիրը՝ 54563549, հարկ վճարողի հաշվառման համարը՝ 02315867,
- 1.9. տարածքի բարելավման ներդրումային ծրագիրը հաստատվել է «Նեքսթ Ջեն Սպորտս» ՍՊ ընկերության միակ մասնակցի համար 5 առ. 23.04.2024թ. որոշմամբ:
Գործադիր տնօրեն՝ Ալֆրեդ Մարտյան, հեռ. +37494090999,
Հաշվապահական ծառայության ղեկավար՝ Աշոտ Գրիգորյան, հեռ. +37477474192,
- 1.10. այլ տվյալներ (հեռախոս/ֆաքս, էլեկտրոնային հասցե, վեբ կայքեր) էլեկտրոնային հասցե՝ ngensports@gmail.com, վեբ կայք՝ ngensports.com,

2. Կազմակերպության գործունեության նպատակները և խնդիրները

- 2.1. կազմակերպության նպատակներն են՝
Կազմակերպության հիմնական խնդիրը և նպատակը Հայաստանի Հանրապետությունում մանկապատանեկան ֆուտբոլի զարգացումն է: Այդ նպատակով ընկերությունը մտադրված է Երևան

քաղաքի Ավան, Աճառյան փողոց 20/4 հասցեի տարածքում հիմնել սպորտային համալիր՝ իր ենթակառուցվածքներով:

- 1) Կառուցել միջազգային չափանիշներին համապատասխան ֆուտբոլային ակադեմիա և ենթակառուցվածքներ, որոնք իրենց մեջ կներառեն ֆուտբոլային խաղադաշտեր, վերականգնողական գոնա, մարզասրահ, լողավազան և այլն: Սպորտային համալիրը հազեցած կլինի նորարարական ֆուտբոլային տեխնոլոգիաներով:
- 2) Նոր հնարավորություններ ստեղծել հայ պատանի ֆուտբոլիստների համար դեպի եվրոպական ակումբներ տեղափոխվելու: Հայ մարզիկները մշտապես կլինեն եվրոպացի սկաուտների ուշադրության կենտրոնում:
- 3) Ակադեմիայում մարզումներն իրականացվելու են միջազգային լավագույն փորձն ունեցող մարզական ծրագրերով:
- 4) Ներգրավվել եվրոպացի մարզիչներ, դիետոլոգներ և ֆուտբոլային անալիտիկներ:
- 5) Հնարավորություն տալ հայ մարզիկներին արտերկրում խաղային պրակտիկա ձեռք բերելու բավականին երիտասարդ հասակից:
- 6) Մարզումների ժամանակ հավաքագրել մարզումային տվյալներ, որոնք նոր հնարավորություններ կստեղծեն ինչպես մարզիկների, այնպես էլ մարզիչների համար ֆուտբոլում արդյունավետությունը բարձրացնելու, նոր հաջողությունների հասնելու և վնասվածքներից հնարավորինս խուսափելու համար: Օգտագործվելու է աշխարհում առկա ֆուտբոլային ամենավերջին տեխնոլոգիաները, մասնավորապես՝ GPS սարքեր, միկրոչիպեր և տվյալներ հավաքագրող գաջեթներ:
- 7) Հնարավորություն ստեղծել առավել տաղանդավոր մարզիկներին անվճար հաճախել ակադեմիա: Նրանց ընտրությունն իրականացվելու է եվրոպացի մարզիչների կողմից:
- 8) Ավելացնել ՀՀ-ում օգտագործվող արդի և միջազգային չափանիշներին համապատասխանող ֆուտբոլային ենթակառուցվածքների թիվը:
- 9) Հիմնել ֆուտբոլային թեմայով նախադպրոցական տարիքի երեխաների հասարակական դաստիարակության հիմնարկ:
- 10) Անհատույց օգտագործման տրվող տարածքում կառուցել հյուրանոց-կացարան, որը հնարավորություն կընձեռի մարզերում բնակվող և ֆուտբոլով զբաղվող առավել տաղանդավոր երեխաներին այցելել մարզումների Երևանում գործող ֆուտբոլային ակադեմիա, որտեղ բնակվելու են նաև արտերկրից ժամանած ֆուտբոլային մարզիչներ: Հյուրանոցը հասանելի կլինի ֆուտբոլային թիմերի և օտարերկրյա զբոսաշրջիկների համար:
- 11) Խթանել կանանց ֆուտբոլի զարգացմանը և ֆուտբոլում կանանց ու աղջիկների ներգրավվածության թվի ավելացմանը: Ակադեմիայում կգործեն հատուկ խմբեր կանանց և աղջիկների համար:
- 12) Խթանել արդար խաղը և այն միավորող, կրթական, մշակութային և մարդասիրական արժեքները՝ դա իրականացնելով, մասնավորապես, երիտասարդական, մանկապատանեկան և զարգացման ծրագրերի միջոցով:
- 13) Նպատակ է հետադարձել գրոսաշրջության զարգացմանը: Ակադեմիայի տարածքում նախատեսվում է իրականացնել շրջայց ակադեմիայի ենթակառուցվածքներ՝ ֆուտբոլի խաղադաշտեր, հանդերձարաններ, մամլո ասուլիսների սրահ, սպորտային խանութ-սրահ, սրճարան-սպորտային բար:
- 14) Ծրագիրը ունենալու է նաև կրթական բաղադրիչ: Տեղում, ինչպես նաև առցանց ձևաչափով կազմակերպվելու են դասընթացներ տեղի հայ մարզիչների որակավորումը բարձրացնելու համար:

Հայաստանի Հանրապետությունում մանկապատանեկան ֆուտբոլի զարգացման նպատակով

<<Ներքաթ Ջեն Սպորտս>> ՍՊ ընկերությունը 2024թ. ապրիլի 2-ին պայմանագիր է կնքել աշխարհահռչակ իտալական Թուրինի <<Յուվենտուս>> ֆուտբոլային ակումբի հետ՝ Հայաստանի Հանրապետությունում Յուվենտուս ֆուտբոլային ակադեմիա հիմնելու վերաբերյալ:

3. Կազմակերպության կողմից ներկայացվող տարածքի անբաժանելի բարելավման ներդրումային ծրագիրը

3.1. ներդրումային ծրագրի ընդհանուր նկարագիրը, հիմնական նպատակը և լուծման ենթակա խնդիրները

Ներդրումային ծրագրի հիմնական նպատակը Հայաստանի Հանրապետությունում մանկապատանեկան ֆուտբոլի զարգացումն է: Այս նպատակով ընկերությունը մտադրված է Երևան քաղաքի Ավան, Աճառյան փողոց 20/4 հասցեում հիմնել սպորտային համալիր իր ենթակառուցվածքներով: Ծրագիրը լավագույնս իրագործելու համար <<Ներքաթ Ջեն Սպորտս>> ՍՊ ընկերությունը 2024թ. ապրիլի 2-ին պայմանագիր է կնքել աշխարհահռչակ իտալական Թուրինի <<Յուվենտուս>> ֆուտբոլային ակումբի հետ՝ Հայաստանի Հանրապետությունում Յուվենտուս ֆուտբոլային ակադեմիա հիմնելու վերաբերյալ: <<Յուվենտուս>> ֆուտբոլային ակումբի հետ կնքված պայմանագրի գործողության դադարեցման դեպքում սպորտային համալիրը կշարունակի ծառայել իր հիմնական նպատակի համար:

Ծրագիրը հնարավորություն կտա ակադեմիա հաճախող յուրաքանչյուր սանի մարզվել միջազգային լավագույն փորձն ունեցող մարզական ծրագրերով, ձեռք բերել արտերկրում ֆուտբոլային խաղային պրակտիկա: Ծրագրի իրականացումը կնպաստի ՀՀ-ում միջազգային բարձր չափանիշներին համապատասխանող ֆուտբոլային ենթակառուցվածքների ավելացմանը, կմեծանա պրոֆեսիոնալ ֆուտբոլով զբաղվող պատանիների թիվը, կնպաստի պրոֆեսիոնալ ֆուտբոլում կանանց և աղջիկների ներգրավվածության թվի ավելացմանը: Կապտրաստվեն նոր պրոֆեսիոնալ կադրեր Հայաստանի ֆուտբոլի ազգային տարբեր տարիքային հավաքակազմների համար, բազմաթիվ պատանիների հնարավորություն կընձեռվի խաղալ արտերկրում: Ծրագրում կրթական բաղադրիչի շնորհիվ կավելանա Հայաստանում որակավորում ունեցող մարզիչների թիվն, իսկ արդեն որակավորում ունեցող մարզիչներին հնարավորություն կընձեռվի բարձրացնել իրենց որակավորման աստիճանը: Ծրագրի իրականացումը կնպաստի սպորտի մասսայականացմանը մեր երկրում, ինչպես նաև ֆուտբոլի մանկապատանեկան առաջնություններում մասնակից թիմերի ավելացմանը:

3.2. ներդրումային ծրագիրն իրականացվելու է անմիջականորեն, կապալի, մատակարարման և այլ պայմանագրեր կնքելու միջոցով:

4. Ներդրումային ծրագրի գործողության ոլորտը, ներդրումային բյուջեն և իրականացման ժամանակահատվածը

4.1 սույն ծրագիրն իրականացվում է հետևյալ ոլորտներում՝ սպորտ, հանրակրթություն, զբոսաշրջություն, առևտրային գործունեություն:

4.2 սույն ներդրումային ծրագրի բյուջեն կազմում է 1,000,000,000 (մեկ միլիարդ) ՀՀ դրամ,

4.3 սույն ներդրումային ծրագրի իրականացման համար նախատեսված 5 (հինգ) տարի ժամկետում ներդրողը ըստ տարիների նախատեսում է կատարել հետևյալ գումարի ներդրումները

- 1-ին տարի՝ 20,000,000 ՀՀ դրամ
- 2-րդ տարի՝ 500,000,000 ՀՀ դրամ

- 3-րդ տարի՝ 240,000,000 ՀՀ դրամ
- 4-րդ տարի՝ 120,000,000 ՀՀ դրամ
- 5-րդ տարի՝ 120,000,000 ՀՀ դրամ

5. Ներդրումային ծրագրի ֆինանսավորման աղբյուրները

1) սեփական և վարկառու միջոցներ՝ 1,000,000,000 ՀՀ դրամ:

6. Ներդրումային ծրագրով նախատեսված ֆինանսավորման ուղղությունները և ըստ ժամանակացույցի իրականացվող միջոցառումները

6.1. սույն ծրագրի շրջանակներում նախատեսված ֆինանսավորման ուղղություններն են

- 1) տարածքի բարելավմանն ուղղված՝ 800,000,000 ՀՀ դրամ (շինմոնտաժային աշխուրդների իրականացում),
- 2) մեքենասարքավորումների, տեխնիկայի և այլ գույքի ձեռքբերում՝ 150,000,000 ՀՀ դրամ,
- 3) տարածքի բարելավմանն ուղղված՝ 50,000,000 ՀՀ դրամ (այլ ծախսերի կատարում):

Տարածքի բարելավման ակնկալվող ներդրումներին վերաբերվում են միայն տարածքի վրա կատարվող և անբաժանելի բարելավում ապահովող միջոցները, որոնք էլ հիմք են հանդիսանում ներդրումային պարտավորությունների կատարումը հաստատելու համար:

6.2. Մույն ծրագրի շրջանակներում կազմակերպությունը ըստ ժամանակացույցի նախատեսում է իրականացնել հետևյալ միջոցառումները.

Ծրագրի իրականացման 1-ին տարվա ընթացքում կատարվելու են նախագծային աշխատանքներ, սելամիկ և գեոդեզիական ուսումնասիրություններ, կապալառուների ընտրություն: 2-րդ տարում՝ Ավանի Աճառյան փողոց 20/4 հասցեում գտնվող ակադեմիայի խաղադաշտերի կառուցում, ակադեմիայի մասնաշենքի հիմնանորոգում, ենթակառուցվածքների կառուցում: 3-րդ տարում՝ ակադեմիայի մասնաշենքի հիմնանորոգում, ենթակառուցվածքների կառուցում: 4-րդ տարում՝ անհրաժեշտ սարքավորումների և տեխնիկայի ձեռքբերում, ակադեմիայի տարածքի բարեկարգում և կանաչապատում: 5-րդ տարում՝ սարքավորումների, տեխնիկայի և այլ գույքի ձեռքբերում, ակադեմիան կհասցվի նախագծված վերջնական տեսքին:

7. Ներդրումային ծրագրի իրականացումից ակնկալվող արդյունքները

Ներկայացվող ծրագրի իրագործմամբ ընկերությունը նախատեսում է անհատույց օգտագործման տրամադրվող տարածքում կապիտալ վերանորոգել 3,000մ² շինություն, որը իր մեջ կներառի մարզադահլիճ, 6 հանդերձարան, ադմինիստրատիվ մաս, և այլն, ինչպես նաև կառուցել 4 մարզադաշտ իր ենթակառուցվածքներով (մեկ՝ մեծ, մեկ՝ միջին և երկու՝ փոքր):

8. Ներդրումային ծրագրի իրականացման հետ կապված ռիսկերը

Ծրագրի իրականացման ռիսկեր են համարվում վերոնշյալ միջոցառումների շրջանակներում շինարարական աշխատանքները իրականացնող կապալառուների կողմից ժամկետների ուշացումը, ինչպես նաև մատակարար ընկերությունների կողմից մատակարարման ժամկետների ուշացումը:

Հնարավոր ռիսկերի մեղմացման նպատակով ընկերությունը մտադրված է պայմանագրեր կնքել նոր կապալառուների և մատակարարների հետ:

Ծրագրի իրականացման ռիսկ է համարվում <<Յուզենտուս>> ֆուտբոլային ակումբի հետ կնքված

պայմանագրի գործողության դադարեցումը: Նշված դիսկը մեղմելու նպատակով ընկերությունը մտադրված է անկախ <<Յուվենտուս>> ֆուտբոլային ակումբի հետ համագործակցության առկայությունից շարունակել տրամադրվող տարածքը ծառայեցնել իր հիմնական նպատակի համար:

Ծրագրի իրականացման ոիսկ է համարվում Երևանի քաղաքապետարանի կողմից շինարարական փաստաթղթերի տրամադրման ժամկետների ուշացումը:

Ընկերության միակ մասնակից-տնօրեն՝



Ալֆրեդ Մադոյան



www.ngensports.com



ngensports@gmail.com



+374 12 343434



34 Garegin Nzhdeh street, Yerevan, Armenia (0006)

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ